

地360.177
41
部2:16



黃平縣志

十六

黃平縣志卷二十

食貨志下

物產

戶口

物產



禹貢載絲條之美周官詳動植之宜蓋先王物土之宜而布其利民生國用於是乎賴焉非細故也他志惟取其產之尤異餘則比于常事不書之例然物固有處處有之而此獨無者不若據所見而詳之之為實也且因以見物產非富民生在勤上之為政下之為俗皆宜講於樽節愛養之道云爾

叙

按物產之重在古已然如禹貢備誌草木金玉毛革齒羽織細畢具益尤以為不足更著山海經以補之三代盛時均以

黃平縣志

卷二十 物產

一

生產養民為國之大本至太史公作貨殖傳論者誤為發憤譏時於是以牛頭馬號任氏粟鄧通銅等恥為不道中國之貧而為弱實緣於此近世列邦無不以種植製造為致強之本然以天然物首數我國若能加工整飭因事培養何難以地大物博雄飛於世如我黃平膏腴千里山嶽環峙一切動植礦物無地蔑有今續州志應詳紀載以備工商農學之考究無如續成諸志已去一年又值地方多事經費莫出只好以黃菊圃分纂所編輯者附諸舊志之後如求完備尚待後時

當黃分纂續食貨志時擬提出物產另為一綱中分動植礦物及工藝出品貨物銷場等目此外更加學校憲政兩志或

自獨立或附舊志純依據於近日潮流用作新志先聲但纂著之費計什之二三而採訪調查需時尤甚今以所輯之釋穀釋蔬釋果續諸後幅例似舊志之類舉至鳥獸鱗介猶缺但全志未成姑以此斷殘文字補之是抑食品之重要物件用附食貨將無不宜

穀之屬曰白黏紅黏百日黏麻黏銀頂黏早香飯遲香飯早白遲白黃殼細紅黃瓜糯大穀糯牛皮糯蜂子糯蝦糯光頭糯旱稻小米有飯糯高粱

麥之屬曰老麥大麥小麥燕麥米麥

豆之屬曰黃豆黑豆青皮豆菜豆紅豆飯豆豇豆四季豆蠶豆豌豆扁豆刀豆羊眼豆

黃平縣志

卷二十 物產

二

雜糧之屬曰紅稗毛稗菽有甜苦玉米一名包穀

菜之屬曰白菜青菜即蕪菜其用最多可菹可鹽可醃終年皆資之菘菜苘蒿苦蕒蒿苣甜菜廣菜莧菜有紅白二種又有馬齒莧蒿菜芹蕒芋韭菹葱茄蒜芫荽茭筍薑蕨春取苔作菜冬挖根取粉食之荒年人多賴以救饑謂之土倉蘿菔菌有涼傘青楓奶漿凍菌羊肚然往往遇毒薺菜灰蓀菜馬蹄菜奶漿菜甕菜海椒又名辣子甘露子

瓜之屬曰王瓜菜瓜南瓜冬瓜西瓜金瓜瓠瓜苦瓜葫蘆絲瓜菓之屬曰桃李有麥熟鷄心六月蚌蛤苦李郁李蟠果等名梨甜雪酸香水澁半斤諸類柿栗核桃木瓜花紅櫻桃銀杏梅杏林檎石榴枇杷香櫞柑橘橙桑椹葡萄蓮子刺藜木薑子

花之屬曰牡丹多粉口近間有紫者甚難栽植梅有白有紅綠
萼臘梅海棠桂有黃紅白三種月桂梔子芙蓉石榴有白粉
口粉紅郁李有粉紅白二種繡毬洋繡毬玉蘭山茶近始有
紅寶珠白寶珠瑪瑙寶珠然不多木槿紅白二種紫荊紫薇
夾竹桃碧桃絳桃辛夷迎春柳羊躑躅薔薇十姊妹木香玫
瑰月月紅滴滴金荼蘼刺蘼鐵線蓮金銀花纏枝牡丹藤蘿
芍藥有紫白二色蘭蓮有紅白二色玉簪白紫二色秋海棠
水仙百合山丹罌粟虞美人萱花鹿葱花剪春蘿剪秋蘿粉
石竹鷄冠鳳仙百日紅荷包牡丹水柱胭脂花美人蕉俗名
金鳳尾菊花有數十種蜀葵俗名蜀季花向日葵小桃紅
草之屬曰芭蕉馬鞭草虎耳草旱蓮草燈草萍荇藻明鏡草夏

黃平縣志

卷二十 物產

三

枯草車前草茅蓼莠藪

木之屬曰松栢杉椿桐梓槐檀楠桂楓柏梨白楊栗冬青樟桑
穀柳棗桐麻櫟俗名青桐樹梭黃楊白果白蠟

竹之屬曰篁竹為用甚多而堅厚俗名筋竹白竹苦竹水竹刺
竹方竹蒨竹俗僚箭竹紫竹羊羶竹

藥之屬曰何首烏仙茅小茴川芎瓜蒌車前子柴胡沙參金銀
花益母草石菖蒲地骨皮薏苡五加皮澤蘭苦參茵陳桃仁
杏仁黃精丹皮五倍子槐花紫蘇枳實艾乾葛山藥桔梗扁
蓄淡竹葉骨碎補淫羊藿薄荷荆芥牛夕續斷香附黃栢天
花粉茨菇女貞子

羽之屬曰鷄鵝鴨鶯燕鳩鴉鷓鴣竹鷄鷓鴣啄木子規俗名陽

雀喜鵲麻雀錦鷄甚少野鷄畫眉百舌鸚鵡鷹鷄布穀水鴨
點水雀紅綠文彩可愛或即翡翠而小歟鸛鴒白鷺

毛之屬曰馬牛羊犬豕貓虎豹獐兔鼠野猪野貓狐獾黃鼠狼
九節狸猴權麝

鱗之屬曰鯉鯽鯽鯽鱖鱣桃花魚白條魚

介之屬曰鼈蚌螺蟹蝦穿山甲

蟲之屬曰蜂蛙蛇蟬螢蛾蠅蟻蜥蜴蜘蛛蝙蝠蚯蚓螳螂蟋蟀
蜈蚣蠶斑貓蜈蚣蜂蟻蟾蜍蚪土蠶蚊蜻蜓蚰蜒蝶百
足

貨之屬曰土布蜜陶冶器桐油茶油靛烟

按天地生材莫不各適於用惟所產不厚故資之不給况從

黃平縣志

卷二十 物產

四

而撓之乎即竹木一端自苗賊猖獗公私廬舍盡付一炬蕩
平後一時修復四野材木俱空然使十年之計樹木斧斤以
時入山林自當不可勝用惟衙門修造雖給價公買而胥役
緣以為奸民間運送既艱且多波及之累遂至以栽蓄為畏
途欲其豐亨裕大何道之從故轉移節首之機不在下而在
上使不有痼瘕乃身登之衽席者安得用之不竭而盈寧有
象也哉

又按靛之為利較之種雜糧者不啻倍之舊志不載近來種
者甚夥舊城以上塘出者為最上塘以李谿河龍洞河出者
為尤數十年來因以致富者不少以故人爭趨之亦有因而
蕩產者則非靛之罪也舊志亦不載烟草今則遍地栽之州

南及東北一帶為甲王阮亭香祖筆記烟草考之本草爾雅皆無此名姚旅露書云呂宋國有草名淡巴菰一名金絲醃烟氣從管中入喉能令人醉亦解瘴氣搗汁可毒頭蝨初漳州人自海外携來莆田亦種之反多於呂宋矣是物本無益而耗財但習俗移人未能禁止始誌之以備物產焉又按前明於紙房試採硃砂所得無多大為民累國朝康熙六年課程無出經士民籲請本州轉詳題奏永遠封禁將課銀六十二兩攤於軍田完納民困以甦得以盡力南畝真殊恩也

以上一十八則照舊志錄列後附釋穀釋蔬釋果釋花均黃分纂之抄於貴陽遵義志者備錄如下

黃平縣志

卷二十 物產

釋穀 穀乃總名有五穀六穀九穀之稱五穀者禾麻粟麥豆周禮註以麻黍稷麥豆為五穀六穀者黍稷稻粱

麥菽九穀者黍稷林稻麻大小豆大小麥其餘種類甚多總謂之穀

稻 有秈稻粳稻晚稻早稻之分種類甚多皆清明前後種白露前後收

按稻俗謂之穀有黏有不黏者黏者為粳俗作糯不黏者為粳音庚粳即秈也秈音仙揚子方言江南呼粳為秈黔人在洪武初多由江南來宜其呼粳米為秈米蓋秈為相然切在江南音原讀若仙在黔省音實讀若黏此水土所習方音之變無他異也南方以為常食邑人呼穀以不黏者為黏殆不知黏之當作秈偶疏而未考耳

私穀 有百日私栽秧後百日可獲最早者也烏脚私大桿私紅私白私銀頂私麻私油私早白私遲白私貴陽私馬尾私

半邊私等名多至數十種率大同小異任田皆可種惟百日私雖早為雀翔集之所田一石收不七斗非室如懸磬者莫種以其趕早得食也紅銀麻油各私同時熟蒂甚鬆獲必以時稍遲則枯落馬尾私蒂堅無枯落之弊然芒穎太長嚴曝而蹂踐之石僅得九斗邑中霸子田多種貴陽銀白油等私高塆田多種麻紅馬尾等私各私碾而為米油私味甚佳宜於售紅私馬尾黏飯最漲力田者喜食焉

糯穀 有黃殼糯金絲糯瓜子糯大桿糯江西糯蜂子糯牛皮糯蝦糯光頭糯摘糯其名亦數十凡糯穀皆宜於極肥之田私穀所不能任者其收差遲瓜糯粒最大作茶果最佳摘糯收時不用鎌以手摘其莖約成束置灶突竹樓上次年晒以

黃平縣志

卷二十 物產

六

烈日連枷擊之始能脫落苗人於高坡田多種之味甚香晚穀 俗謂晚米宜於高山幽澗冷水之田收較糯穀尤遲蒂最堅棒以枷斗不落收時以手鎌連莖摘之約成束如摘糯之收藏舂以為米味最糯而最香上游多種之過年舂成二塊粍以款客邑中今有種者性最黏滯腸胃久食始慣早穀 有私糯兩種宜於陸地高山之地常帶沮洳而又不作水田者可種故名早稻但收甚歉今邑中人少田多鮮種之者貴陽志謂為另一種早稻甕安志指為稷不知何所據而云然

按禾本科之植物多為草本或狀如木本其特徵為莖有節葉狹長葉柄作鞘狀圍繞莖外花為兩性或單性花序

為穗狀或複總狀各花大抵有殼及鱗被雄蕊三至六有
丁字葯花中雄蕊之端色黃而出花粉之部份謂之葯子房上位一室柱頭如鳥

麥 有小麥大麥老麥燕麥米麥數種

小麥俗稱醬麥言可醬也即中州餅餌麪食之麥邑中多種
之大麥俗稱老麥可為飯藜可和米為錫即詩所謂來牟邑
中少種燕麥俗叫香麥又叫油麥作餅或作調麪人珍食之
名以燕者以殼多輕似燕耳米麥尤可飯種者甚多因麥一
稔二米而此惟一米也並八九月下種四五月收米麥先熟
大麥次之小麥燕麥最後

菽 眾豆之總名有黃豆黑豆赤豆綠豆一作菜豆飯豆巴山豆豉

黃平縣志

卷二十 物產

七

豆四季豆籬巴豆

又名刀豆豌豆一名蠶豆一名扁豆老鼠架豆

豆十數種

黃赤黑綠飯諸種皆清明前後種八月收蠶豌豆均九月
種四月收餘皆春種以時收黑豆可飼馬可為豉綠豆可發
芽作菜可磨漿為粉餘豆均作菜蔬黑綠赤三種並可入藥
品葫豆豌豆尤可為糧惟黃豆之用最大古語云菽水承歡
即黃豆汁可為腐為豉為醬榨油供種糧食品近日西人收
買為出口之一大宗邑中種植者多重安舊州兩處通河道

亦極銷行

附近重安舊州各鄉寨米麥豆均運至兩處銷售上船近日極旺

再加擴充亦救

貧之一端也

附胡奉衡讀王宏革豆區八友傳書後余嘗謂布帛菽粟而外蔬品之為功於世也實多然而

非其時不得亦有非其地不產者欲於貧賤淡泊場中求一
耐久朋了不可得豆氏之昆季脫胎換骨腐朽神奇舉凡朝

市山林無不有無地不然誠蔬品中之時宜君子也但諸君日與世周旋上下古今茫茫無一知己今得交草先生分別作傳立意古簡寓意玄奇不獨八友之精神面目栩栩如生覺齒牙肺腑間另是一番聲氣臭味先生非八友十秋知己哉余兀兀寒齋與世寡合喜得先訂金石交先生又薦八友與余為耐久朋從此首藉厨中日列山瑤海錯矣第善藏之不足為肉食者道

按豆科之植物或為草本或為木本其特徵葉常互生大率有托葉萼裂為五片花冠不整齊而成蝶形亦有整齊者雄蕊或分離或結合子房上位一室果實為莢或核果種子無胚乳如蠶豆合歡等是

蕎 俗稱蕎麥又名苽子一年生草本有花蕎甜蕎苦蕎藥蕎等種

花蕎亦曰甜蕎凡苽皆歲兩種春苽二月種四月收秋苽七

黃平縣志

卷二十 物產

八

月種九月收以作餅餌或搗粉和米作飯北方以此供常食其滑細如粉亞於麥麵花蕎葉嫩時可作菜然皆草屬非麥屬

稗 有紅稗毛稗二種又象其形以鷄爪鵝掌名之亦曰糝子有私有糯米紅者山民團餅以充饗殮或研麵和飯毛稗釀酒味清冽三月種八月收

稷 俗呼高粱一名蜀黍莖似蘆而實穗如拂粒大如火麻子紅黑而光亮米圓而白磨粉作餌色紫赤以之釀酒味最醇美清明前種八月收

按稷古今著錄所述形態不同漢以後皆誤以粟為稷唐以後又誤以黍為稷穀類中種之最早古稱為百穀之長

故農官名稷穀神亦名稷今江淮以北多種之通呼之曰
秫

黍 俗謂之小米高三五尺又名黍子黏曰糯不黏曰飯言可
飯也有黃白兩種三月種九月收又一種穗短而壳多俗曰
秋胡即彫胡也

玉蜀黍 俗呼包穀一年生草本有紅白黃三色純白者糯花
開於頂實綴於身護之以衣鬚淡紅色茸茸然清明前後種
七八月收歲視此為豐歉此豐稻不大熟亦無損價視米賤
而耐食食之又省便農家之性命也其糜作糖甘脆 附鄭珍
歌並序本草綱目蜀黍即木稷漢人名曰玉米川黔人曰包
穀即一物也黔西一帶以之代梁其盛尤在黍之上類湖能
知蜀黍即木稷不識玉黍乃是古來之木禾我生南方世農
圃能究原委如星羅此穀從何來遠在稷播以前茲岷嶓昆

黃平縣志

卷二十 物產

九

侖山高一萬一千里五尋之穀修莪莪靈井灌根地力厚自
然能沒九橐駝鸞鳳戴盾日栖啄文樹聖木連枝柯開明獸
北接六詔此穀遠映西洱波神禹所見益所記西經具在言
豈訛滇黔舊是海內西南取土宜千古無殊科祇今彌望滿
山谷長梢巨幹平坡陀猴獼夜盜嘯儔侶鳥鵲畫街防網四
一莖數苞連同菓亦無皮差類稜筍脫鰾魚弩目鮫胎
出骨蜂露窠落釜登盤即充腹不煩確磨箕筵籬有時兒女
據觶叫雪花如指旋沙爾憶昔周穆賓王母八駿遠從西極
過爾時此穀定入尚方饌不然亦拂芝蓋摩鸞和我讀竹書
又知更名為答董其時見之黑水阿黑水今在雲南中益見
我言非矣輜上古地廣穀類亦多種天降地出知幾何職方
五種載周官較之堯稱百穀已無多木禾自是梁益產遠與
蒟醬驚黃雌周公歌豳道方物體從刊落非刻苛爾雅半成
秦漢人道里隔絕安知他自通夜郎畧印焚伏豬名乃傳清
河景純博物味形狀目所未見難盡詞亦如九穀中有梁與
苾南人未聞名者徒摩漠黔山多不徧稻此豐民樂否即
瘞爾來樽繭盛秦播程鄉帛製傳祥柯織人夜食就省便買
此貴於杭米瑤民天國利俱在此無人考論理則那他年南
方誰作木禾譜請補
嵇含舊狀歌此歌

薏苡 一曰苡珠子一年生草本花生於葉腋五六月結實青

白色形如珠子而稍長故呼苡珠子去殼曰薏米一曰苡仁可雜米中作粥飯及磨麵並入藥多食最補人又有菩提子子圓而壳厚無仁不可食但可穿作念經數珠及作草帽之纓又山澗中有野薏苡其莖葉煮汁飲之可治淋居人謂之五穀米

脂麻 即芝麻又名胡麻沈存中筆談云胡麻即今油麻古者中國止有大麻張騫始自大宛得油麻種來故名胡麻有早晚二種赤黑白三色白者可以榨油並作搗茶點糖餅赤黑者可以入藥一種火麻莖皮可績子可入藥一種似蘇者曰蘇麻子並作搗茶均三月種八月收按胡麻與紫蘇等在植物學為唇形花類花冠數瓣成二裂片向上下開展狀如人口之展唇謂之唇形花另有唇形科名詞載後紫蘇條

黃平縣志

卷二十 物產

十

按胡麻科之植物皆草本其特徵為葉對生或互生無托葉花生於葉腋常有二小苞片萼五裂花冠唇形雄蕊大抵四枚長短各二子房二室至四室中軸胎座或一室而有二側膜胎座果實為蒴種子為胚乳

天星米 金川瑣記米如黍粒可作糧食葉經霜紅如老少年秋深滿山紅葉亦一大觀土人以米炒成花和糖搏作餅切片以食名天星米糖

釋蔬 凡草類之可食者通稱曰蔬蔬即菜也本作蔬按菜以佐穀名之曰蔬者所以調臟腑通氣血疏壅滯也 有辛香柔滑清涼甘膩四種

辛香之品

薑 地下莖色黃味辛葉狀如箭鏃花被大小不整色淡黃食入醬入糖皆宜說文禦溼之菜白沙地宜之清明後三日種芽長後從根旁掘去老薑耘鋤不厭七八月收本草薑之用極廣有回陽通脈之功為家食不可少新芽曰子薑烹飪時多用以調和或蜜漬食之曬乾曰乾薑入藥用

木薑 落葉亞喬木俗呼艾子即食茱萸類也生山上春初開黃花夏秋結子如胡椒實正綠味辛食品投一二粒香滿盤孟用之豆腐中尤宜其花曰木薑花尤香美或曰作為膏尤良按揚雄蜀都賦當作藪藪艾同字贊曰綠實若萸味辛香苾投粒羹臙椒桂之匹本草綱目食茱萸一名藪即欖子蜀人呼為艾子禮記內則所謂三牲用藪即此按蜀都賦稱木

黃平縣志

卷二十 物產

十一

艾今黔人通呼木薑子惟熱治胃寒及暑月霍亂吐瀉等症極效

椒 落葉灌木即花椒辛熱之物葉青皮紅花黃膜白子黑氣香最易蕃衍亦有青色者曰青椒皆可食惟視紅色者氣味稍遜凡閉口者均不可食此種以產蜀者為最良曰川椒入藥品又一種曰蔓椒本草一名豕椒一名狗椒野生林箐間枝軟如蔓子葉皆似椒山人亦食按俗呼狗矢椒少食者

番椒 一年生草本即海椒俗呼辣角園蔬要品每味不離鹽酒漬之可食終歲夏初開花結子似秃筆頭味辣色甚紅可觀子種其形狀有數種長細似角者名牛角辣細如小筆頭叢結尖仰者名朝天辣二種尤辣一種扁圓形色或紅或黃

味不甚辣者名柿辣一名燈籠辣並可作盆玩

葱 初生曰蔥針葉曰蔥青衣曰蔥袍莖曰蔥白葉中空細者香蔥巨者大蔥又有野蔥居人謂之苦蒜味辛冬蔥即凍蔥夏衰冬盛莖葉柔細而香能調美食用入藥最良分莖栽無子故人稱蔥蔥漢蔥春末開花成叢青白色冬即葉枯

韭 禮韭曰豐本腴土者佳叢生葉青翠八月開小白花醃作茹益人秋月掘出去老根分栽亦可子種北人冬月移根窖中養以火坑培以馬糞葉長尺許不見風日色黃嫩謂之韭黃味甚美吾黔亦倣此法種多年春初概售韭黃色中亦知種者又有大葉韭葉長味稍遜

蒜 即大蒜一名葷菜昔張騫使西域回始得此種八月分瓣

黃平縣志

卷二十 物產

種之冬食秧夏臺以後食根根作數瓣攢拱必拔去臺瓣乃肥大其有瓣相環者曰子母蒜不作瓣者曰獨蒜味辛辟瘴癘解諸毒又有老鴉蒜生水邊山蒜石蒜生於巖間亦可食藟子 即薤一曰藟頭根如小蒜一本數顆相依而生王楙農書曰生則氣辛熟則甘美種之不蠹食之有益於老人尤宜茴香 即蒔蘿一名藿香一年生草本宜向陽地以子種之生苗作叢肥莖綠葉五六月開花色黃子如麥粒輕而有細稜用以調味並可入藥此為大茴別有小茴亦入藥十月所去枯梢以糞壅之即滋生

薤 狀似韭而中空夏開細花色紫鱗莖如小蒜謂之薤白可

食並入藥

禮記切蔥若薤

藜荷 一作陽禾多年生草本由地下莖而生莖葉俱如薑苗
七八月間根生紅芽每個十數層掘取用水浸同子薑食之
味亦辛美諺曰七月藜荷八月薑言其盛也

芹 一名楚葵有水芹旱芹兩種水芹生溝溪陂澤之涯莖色
赤旱芹生園圃中夏月開小白花嫩葉供食皆芬芳可作蔬
然旱芹比水芹更美可子種

藜荑 一作芫荑亦名胡荑張騫得種於西域故名甚辛香子
葉俱可用生熟俱可食凡調和牛羊肉者多用之

香菌 即香菇蔬中上品出者甚少 按黎平志下江永從土
人於深山中伐楮樹俗稱楮皮樹 卧地俟木將腐用香菇浸
水灑之越十數日菌即出其味芳美

黃平縣志

卷二十 物產

蒿蒿 莖肥葉綠有缺刻微似白蒿花黃氣香以佐日食可為
佳品 一名芄蒿 一作蓬蒿

白蒿 一名繁生山澤中二月發苗葉似嫩艾而歧細面青背
白莖或赤或白辛香而美 邑人多以之雜米
煮粥及煮醃肉

芥 俗名辣菜其氣辛辣有介然之義種類不一有青紫白三
種莖有圓有扁圓硬者最辛辣皆秋種春收青者可醃以為
菹可釀以為醬子如蘇子色紫味辛研末泡為芥醬和菜侑
肉 辭源云芥葉似油菜而有缺刻葉面常皺縮粗糙秋末
下種冬時可食並宜作醬春深開小黃花結實成莢子如粟
粒研之成末味極辛烈食饌中用以調和曰芥末其子尤堪

入藥

按芥類極賤而子甚小故喻物之小而賤者皆曰芥如纖芥草芥之類元史芥視珠犀不少留目

油菜 即雲臺一名臺菜莖堅葉少味辛春暮開黃花為總狀花序果為長角熟則綻裂子出嫩葉可食子可榨油燃燈燒燭膏髮烹飪其渣可以作肥料用至廣邑多種

柔滑之品

白菜 一名菘葉闊大色淡綠有柄諸菜中最堪常食者大別為三種一種莖圓厚而色青俗稱假白菜一種莖扁薄而色白俗稱白菜一種經培養而變種者別稱為黃芽白菜捲心微黃園丁以沙壅根束之以草而葉彌捲心彌黃又稱為捲心白有重至五六觔或至十餘觔者舊州石關壩及重安沈

黃平縣志

卷二十 物產

十四

冢林等處沙土種之最宜但此種自湖南便水來者佳然必年年新購若自留種則變矣

青菜 即醃菜北方所無皆菘類也惟莖葉皆青性微涼可供常食清明前邑人取以作醃菜最佳過此則抽臺而菜老矣又一種葉色光潤雖清明後猶柔嫩俗名春不老又一種莖葉皆紅俱可食

大頭菜 即蔓菁一曰蕪菁嘉話錄三蜀之人呼為諸葛菜本類蘿蔔而大葉深綠邊有細齒春日開黃花為總狀花序絕類油菜花實成長角根蘸鹽揉軟貯甕中最耐久

菠菜 一名菠薐一名菠薐草出西域頗陵國唐時始入中國北人呼為赤根菜莖柔中空葉互生畧如三角形而尖基部

又旁出兩尖莖高尺餘花小而黃綠單性雌雄異株根色赤味甜嫩時以為常蔬此菜乃過月朔乃生即晦日下種與十餘日前種者同出亦一異也

牛皮菜 即蒸菜葉厚而大似白菜味帶土氣一名蒼蓬菜園

圃多栽種之其葉四時皆可為蔬成長後莖高三尺許初夏開多數小花成穗色黃綠然亦有紅梗者亦可食又一種葉上缺刻甚多有地下莖如蘿蔔可榨汁製糖謂之糖蘿蔔

空心菜 即蕹菜幹柔如蔓中空葉似菠薐秋開白花嫩莖葉可食一名苣

莧菜 長尺餘葉卵圓形有赤白青紫五色馬齒六種惟白莧柔嫩味勝他莧五色莧即老少年可供盆玩馬齒莧即莧陸

黃平縣志

卷二十 物產

一名商陸處處有之柔莖布地葉對生並圓整如馬齒故名根可入藥性能去瘀血解熱毒易經莧陸夫夫又有野莧色青柔莖小葉味比家莧更勝

冬莧菜 即冬葵一名大莧菜性甘而滑冬春發生葉有五歧深青色食之益人根尤美黔俗名齊齊菜又稱戎葵為大齊齊菜齊蓋葵之轉語也冬莧蓋即古之葵也

苳菜 葉似冬葵而小味尤甘滑其根可止虛汗即黃耆也俗名滑滑菜

萬生菜 即白苣可生食似萬苣而葉色白斷之有白汁開花結子如苦蕒邑人為江西籍者多於立夏日取苣葉將炒葫豆及嫩筍等為餡包而食之謂之包生

萵筍 即萵苣一物而二名也葉由根生者尖潤由莖生者為心臟形皆無柄抱莖春暮開黃花列為頭狀花序莖高尺許去皮生食味清脆如胡瓜並可醃菹

地地菜 冬月生園圃中葉柔嫩青白色味極香又一種生山地葉粗硬而有毛味亦遜

廣菜 即廣荷葉仰如荷莖亦空有一種色紅者俗名紅廣菜苗人多以煮魚食

凍菌 凡松樹胡桃栗樹構皮梨等樹伐而根皮在者雨日寒暄蒸而為菌人或以草履之澆以米泔則生尤多味亦佳無毒又有茅草菌夏秋之間生草中蓋紅蒂白露雨則生又有青桐菌即橡樹葉落生者間有毒其餘種類甚多皆感天地

黃平縣志

卷二十 物產

十六

不正之氣而生非若香菌之因種而出也食者慎之但凡菌有毒者經炊烟薰乾則無如中毒以黃土和水漿食之可治又以地醬及金銀花藤煎湯亦能解 邑中產此甚多有熟諸菌性者取時必審其形色不異香味不烈吹之作聲同蒜及銀器煮不黑乃可食洵良法也

地捲皮 即地菌皮菌亦音捲故俗名地捲皮夏月天雨生山中石骨上又露菌生菰草中皆可食

按菌為隱花植物之一類此類之特徵體為無色之絲狀不含葉綠質常寄生他物體有種種繁殖法無性者菌絲之尖端分裂脫離或生傘狀囊狀各體內藏孢子有性者雌器之卵細胞受精而成卵子漸漸發芽生長如松茸徽

菌等是松茸之類其生於乾燥向陽之地色白或褐有香氣折斷曝空氣中斷而不變色者無毒可食叢生溼地鮮美斷面曝空氣中有青綠褐等色臭味頗烈味苦鹹辛澀者有毒不可食黴菌之類常在水空氣及塵芥等不潔物中藉其作用可以製醬造飴其寄生於人體及稻梁等之葉上者甚有害

菜薹 即馬蘭薹生原溼間亦菜名食其薹味香美二月生苗赤莖白根長葉葉末微圓又有葉作刻齒者俗名花馬蘭采灼為蔬曬乾亦可

羊蹄菜 俗稱牛舌菜即蔞也越年生草產於溼地春初叢生大葉長尺許形如牛舌故亦名牛舌菜春末抽花莖開淡綠

黃平縣志

卷二十 物產

十七

色小花成叢下垂結子如蕎麥謂之金蕎麥根長近尺紅黃色夏至即枯秋深復生經冬不死根搗汁可治疥癬腫毒

馬蹄菜 即杜蘅多年生草常生山中陰地葉為心臟形葉脚凹陷頗深有長柄冬月根際開紫花有管狀花被根莖可食并可入藥

楚辭雜杜衡與芳芷

清涼之品

瓠子 似葫蘆一名瓠瓜蔓生葉花皆如葫蘆夏初結實肥白性甘淡子長一尺二三寸亦有短者粗如人肘曲直不一中有瓢兩頭相似味淡可為夏月常食不可生啖

壺盧 即瓠壺一作葫蘆蔓生莖細長以養鬚絡於他物葉圓如心臟形有柔毛夏花而秋實須架起則結實圓正殼老而

堅大者可為瓢腰細者可盛酒圓大微扁者為匏上小下大頂尖腹圓者為壺長柄而圓者為懸匏似壺而細腰如兩截者為藥葫蘆皆利水道止消渴

冬瓜 一曰東瓜又曰白瓜蔓生莖粗如指有毛中空葉大而青有白毛如刺開白花實生蔓下長者如枕圓者如斗皮有毛初生青經霜則白如塗粉肉及子亦自八月斷其稍檢實小者摘老止留大者經霜乃熟味香美大者可二十觔點心鋪以之作瓜片即此瓜也

絲瓜 一名布瓜一名天絲瓜蔓生莖綠色有稜而光葉如黃瓜葉而大無刺深綠色宜高架喜背陽向陰開大黃花結實色綠有短而肥者名癩絲瓜有長而瘠者名長絲瓜九月將

黃平縣志

卷二十 物產

十八

老者取子留作種瓢絲如網可絲器且可作藥一說絲瓜老則皮韌皮有霜煨之可療喉熱肉青白而鬆其味甘滑

黃瓜 即胡瓜蔓生葉五尖而澀有細白刺如針芒莖五稜亦有細白刺開黃花結實青白色質脆嫩多汁有長數寸者有長尺許者遍體生刺如小粟粒味清涼解煩止渴可生食種陽地煖則易生

苦瓜 蔓生莖青色有稜葉多歧微青色開黃花結實而皺皮非磊熟則裂瓢赤色有長數寸者有長尺餘者味清涼可煮食亦可醃以為菹

攪瓜 蔓生藤葉似南瓜葉色深青邊多鋸齒實似南瓜而小形長食時斷為兩截浮之滾水中以箸攪之成細絲不假刀

切故名攪瓜

苦苣 即苦蕒葉狹而綠帶碧莖空斷之有白汁花黃如初綻
野菊花春夏皆旋開一花結子一叢如茼蒿子花罷則萼斂
子上有毛茸茸隨風飄揚落處即生味苦寒夏月食之宜

按俗人多以此為萬苣菜以萬苣為萬筍

黃花菜 即萱也俗名金鍼可入饌北地呼為黃花菜花六出
葉大如蒲蒜質柔弱葉四垂五月抽莖開花花甚長而色黃
微帶紅暈采其花跗乾而貨之名為黃花菜又一種葉較窄
秋開淡黃花名曰秋萱 按萱又名忘憂亦名宜男婦人懷
娠佩之宜男邑中種者甚少

甘膩之品

黃平縣志

卷二十 物產

十九

南瓜 附地蔓生莖粗而空有毛葉大而綠亦有毛開大黃花
結實形橫圓而豎扁亦有肥而長如桶者生青熟黃有白紋
界之微凹煮熟食味甘而膩亦可和肉作羹亦名番瓜北人
呼為倭瓜其子即供果品外有一種金瓜形圓有瓣色如赤
金居人摘供盤玩味淡不中食長者名珊瑚枕

菜瓜 蔓生俗稱生瓜皮綠有直紋莖葉卷鬚皆似甜瓜實堅
硬有毛入醬中漬之味脆美可久藏俗謂之醬瓜生切亦可
食

茭筍 俗名茭瓜一名茭白水種秋結實可食池塘栽植葉如
湖澤所生之茭葉八月起臺大如萬筍而色白質鬆味甘老
則中有黑點

西瓜 以種來自西域故名蔓生花如甜瓜葉大多極缺面深青背微白葉與莖皆有毛如刺微細而硬結實或圓或長或大或小其瓢或白或黃或紅黃紅者味尤勝北方產者最佳土產者瓢少味薄

茄瓜 一名落蘇有青白紫三種高尺餘一種海茄形如柿不可食茄結實有蒂包之蒂分數尖實長五六寸花與實皆紫色實形北方多扁圓南方多卵圓或長圓莖與葉似蜀葵俱紫黑有刺開花時摘其葉布通衢令人物踐踏之則結實多邑中多圓形及長形兩種味亦相似可蒸可煮可炙可糟可醬但忌用秋後茄令人發眼疾

按茄科植物學名詞此之植物或為草本或為木本其特

黃平縣志

卷二十 物產

二十

徵葉互生花梗大抵生於葉腋之外萼五裂或四裂花冠整齊或畧有大小五裂亦有四裂者雄蕊與花冠之裂片互生子房上位果實為漿果或蒴果種子有胚乳如茄煙

草等是

按蒴音朔為植物之果實由數子房相合而成熟則沿隔膜縱裂者亦稱蒴果如百合紫花地丁等

是皆

按瓜為蔓生植物屬葫蘆科此科植物皆草本其特徵莖有卷鬚葉互生無托葉花單性萼與花冠俱五裂雄蕊三枚或五枚葯屈曲子房下位一室胚珠生於側膜胎座果實大抵為匏果種子無胚乳如絲瓜胡瓜等是瓜類甚多皆以其所結之實名之葉如掌或為分歧形有卷鬚花多作黃色春種夏熟至秋而萎實為蔬類或果類之食品

番薯 即甘藷一名山藷音若殊亦若韶或呼為山藷其種本出於交趾吳川人林懷蘭得種歸編種於粵因不患凶旱電白自海外得此種縣有懷蘭祠題曰番薯林公廟今南方皆名為番薯蓋薯蕷之類邑中各鄉皆種之以沙土為最宜莖細長葉心臟形皆黃褐色花似牽牛色紫而稍小根形圓而長本末皆銳皮黃紫而肉白亦有黃紅肉者味較香甘撲地傳生一莖蔓延至數十百莖節節生根折而栽種蕃衍無盡一畝種數十石勝種穀二十倍且利於陸地不占水田可廣種以佐饗殮分紅白兩種紅者較白者尤甜有謂性冷者非二三月及七八月俱可種但卵有大小耳卵八九月始生冬至乃止始生便可食若未湏者勿頓掘令居土中日漸大到

黃平縣志

卷二十 物產

二十一

冬至湏盡掘出否則敗爛製用之法可生食可蒸食可煮食可煨食可切粒晒乾收作粥飯可晒乾磨粉作餅餌其粉可作粳子可造酒但忌與醋同用 樹藝之法種諸高地沙土起脊尺餘種在脊上遇旱可汲井澆灌即遇澇年若水退在七月中氣候既不及藝五穀即可剪藤種諸至於蝗蝻為害草木蕩盡惟諸根在地薦食不及縱令莖葉皆盡尚能發生若蝗信到時急令人發土遍壅蝗去之後滋生更易是天災物害皆不能為之損人家凡有隙地但只數尺仰見天日便可種得石許此救荒第一義也湏歲前深耕以大糞壅之春分後下種若地非沙土先用柴灰或牛馬糞和土中使土脈散緩與沙土同庶可行根耕要極深將諸根每段截三四寸

長覆土深半寸許每株相去縱七八尺橫二三尺俟蔓生既盛苗長一丈留二尺作老根餘剪三葉為一段插入土中每栽苗相去一尺大約二分入土一分在外即又生諸隨長隨剪隨種隨生蔓延與原種者不異凡栽須順栽若倒栽則不生節在土上即生枝在土下則生卵約各節生根即從其連綴處斷之令各成根苗每節可得卵三五枚 藏種之法九月十月間掘諸卵揀近根先生者勿令損壞用軟草包裹掛通風處陰乾一法於八月中揀近根老藤剪七八寸長每七八根作一小束耕地作畦將藤束栽畦內如栽韭法過月餘每條下生小卵如蒜頭狀冬月畏寒稍用草蓋覆至來春分種若老條原卵在土中無不爛壞一法七八月取老藤種入

黃平縣志

卷二十 物產

木筒或磁瓦器中至霜降前置草笥中以稻糠襯置向陽近火處至春分後依前法種 收蔓之法枝節已遍地不能容者即為游藤宜剪去之及掘根時捲去藤蔓俱可飼牛羊猪或晒乾冬月喂之皆能令肥脂地汙下者不宜諸若高仰之地平時種藍種豆者易以種諸有數倍之獲焉倘慮天旱則此種畝收數十石數口之家止種一畝縱災甚而汲井灌溉一至成熟終歲足食又何不可

陳文政紅薯利民通稟昔人云甘薯有十二勝收入

甚多一也色白味甘二也補益脾胃三也徧地傳生今歲一莖次年可種數十畝四也枝葉附地隨節生根風雹不能損以土覆藤蟲不能食五也可當米穀六也可充籩豆七也可釀酒八也磨粉作餅餌味甜勝用糖蜜九也生熟皆可食十也用地無多其性耐旱久旱亦易澆灌十一也春種夏收夏種秋收止須墮土不用鋤耕不妨農工十二也請更益之曰薯葉可作菜食十三也餘藤晒乾可喂養牲畜十四也奉布政使司温批准通飭全省廣種在案

又紅薯詩海上

曾聞號薯糧律携寒穀別儲荒蔓菁饒種呼諸葛蕙苾空流
到夜郎徑尺光瑩琥珀枕盈倉味奪後貌糖鱣堂逢暇傳耕
訣又見笠
叢列兩行

有一種野生者曰茅狗薯有製以亂山藥者饑年人掘取作
餅又一種充園蔬者名雲板薯又名脚板薯皆以形名大者
徑一二尺肌白甚蔓間結子拾而害於火畔俟春種之

芋 即蕷子植於水田曰芋頭一種旱芋又名廣芋俗稱洋芋
地下莖多肉葉畧似荐葉而長一端有大缺刻葉柄肥大花
為肉穗花序有巨苞包之葉柄色綠者為青芋色紅紫者為
紫芋本大末尖光而不糙老根名芋魁俗名芋母大如盃其
旁生者曰芋子大者如鷄子小者如彈丸一說每一本生十
二子應月之數子皮黃黑色肉白色膩而滑芋魁有紅皮者

黃平縣志

卷二十 物產

二十三

皆可蒸煮而食之兼蔬果之用

益部方
物贊

芋種不一鷄芋則貴氏儲于田可用終歲王維詩巴人

訟芋田

東坡雜記

蜀中人接花果皆用芋膠合其罅

山藥 即薯蕷一名薯蕷俗稱山藥多年生蔓草有野生家種
之別莖皆細長纏絡於他物葉為長心臟形有長柄夏月開
花色淡紅實為裂果三稜地下莖多肉長者至數尺或尺許
皮黃褐色肉白色多食甚補人家種者供食野生者入藥河
南之懷慶產者最佳稱懷山藥 村人多以巴掌薯充山藥
不可不辨

磨芋 即蒟蒻一名蒟蒻多年生草葉為掌狀複葉大而多極
莖作黑白點花單性有肉質穗狀花序花苞頗巨根圓如球

可供食品本草綱目一名蒟頭一名鬼芋製法秋冬間采根球拭去粗皮切細磨研成漿將熟以刀畫方塊加石灰或穀楷灰同煮即凝成塊謂之磨芋豆腐脆而滑可侑食又有揭鍋巴及抽磨芋精更堪入饌但磨與煮皆禁人語語則停不轉醒不凝永善人多種切而曬之運往川為出口貨之一宗惜邑人不之知僅種少許以為蔬菜之用按其芽俗名鬼鼻以為種五六月朝露時以竹竿拍其葉露所滴即旁生

按蒟蒻與蒟醬出牂柯之蒟不同文選蜀都賦蒟蒻菜莢注蒟蒻醬也蒟草也則蒟蒻本為二物楊慎丹鉛總錄謂蒟醬為蒟蒻誤

附蒟醬 前漢書南越傳使唐蒙風曉南越食蒙蒟醬問所從來曰道西北牂柯江黔嘉蒟花如流藤葉

黃平縣志

卷二十 物產

如華撥子如桑椹其味辛香近於檳榔之麵嶺南人取其葉合檳榔食呼為蔓蒟亦蔓也瀝其油醃為醬故曰蒟醬按蒟蔓草名產於嶺南其嫩葉謂之蔓葉土人食檳榔者以此葉及蜂灰少許同嚼食之以為可辟瘴穢實名蒟子可以調食亦稱蒟醬又益部方物贊蔓附木生實若椹壘或曰浮留南人謂之和以為醬五味皆宜

慈菇 水萍也一作茨菰多年生草植於水田三月苗生色青綠莖似嫩蒲有稜中空每叢十餘莖葉如燕尾前尖後歧內根出一兩莖稍粗而圓上分數枝秋開白花為圓錐花序地下之球莖形橢圓大者如杏小者如栗色白而瑩滑冬及春初掘取煮食或炸作椒鹽片味甘脆名以慈姑者因一根歲生十二子如慈姑之乳衆子也

蘿蔔 亦作萊菔言能制麵毒來麩之所服也莖高尺餘葉作羽狀分裂花四瓣色淡紫或白為總狀花序實成長角不裂

開其狀有長圓二類根有紅白二色紅者嫩脆畧小白者可至數觔味鬆爽各鄉皆有大抵生沙土者脆而甘生瘠地者堅而辣苗稠則實小隨時取食令稀則根肥大此種莖葉皆有細柔毛春末抽高臺開小花紫碧色夏初結莢子大如火麻子圓而微扁黃赤色名菜蕈子可入藥秋初下種八月食苗冬食根葉其味辛甘而永五月再種供食名夏蘿蔔根不多大

胡蘿蔔 元時來自虜中故名有黃赤兩種味甘氣香葉不可食冬月掘根形如錘柄大盈握長五六寸生熟皆可啖微帶蒿氣宜伏內畦種肥地亦可漫種各鄉皆有

木耳 一名木蛾菌類生於朽樹之上言枝葉曰耳曰蛾象形

黃平縣志

卷二十 物產

二十五

也色黑質軟而脆石耳生巖石上似地耳質硬而厚 按木耳以產滇者為最良曰雲耳本地產者質稍遜又有黃白等色白者最貴名銀耳黃者次之

鷄縱菌 一作鷄墩一作鷄變其狀下有脚如釘上有蓋若繖面紫黑而光背色黃而起稜如刻絲然俗名傘把蕈產處下必有蟻穴又名蟻封菌味最香美可浸醬油乾之尤佳無毒此菌生蔓草中始奮如粒既如蓋漸則紛披如鷄羽故曰鷄以其從土中出故曰縱產滇之蒙化者佳邑中出者不多

地笋 根如藕而小可漬食即草石蠶也

蕺菜 即側耳根一稱魚腥菜野生莖細長高七八寸葉為卵

形初夏開淡黃色小花有花四片色白無花被莖葉皆有臭氣可食亦入藥浙江紹興縣東北有蕺山因產蕺昔越王勾踐遇荒嘗采食之後遂以得名 按貴陽志作為魚香菜烹魚氣甚香黎平志作為側耳根呼蕺為側者乃聲之訛要以黎志為是

魚香菜 闕

百合 俗名百瓣多年生草春生苗高二三尺幹粗如箭葉生四面如鷄距又似竹葉短而闊互生青色近莖微紫莖端碧白四五月開花有香色白而無斑點其紅黃色有斑點者謂之卷丹俗通謂之百合地下之鱗莖如蒜而大疊生二三十瓣可研粉作麵食最益人和肉和糖食俱補劑要以白色者

黃平縣志

卷二十 物產

二十六

為良

地蘿藦 即地瓜葉柔蔓生宜沙土其根結實如瓜皮白肉白味甘脆以子種

地牯牛 即土葫蘆其根形如葫蘆泡食極脆美

木蓮蓬 即薜荔常綠灌木蔓生莖長數尺葉橢圓花細隱於花托中一說不花而實平如蓮房曰木蓮蓬圓而醱起曰鬼饅頭六七月青黑色內空微紅有白汁曬乾搗碎可作涼粉解鬱熱即醫家所謂冰漿

巢菜 即元修菜一曰薇一曰野豌豆一曰大巢菜蔓生莖葉氣味皆似豌豆其藿作蔬入羹皆宜詩采薇禮芼豕以薇皆此物宋人巢元修好之故名

蕨 野生羊齒類植物地下莖甚長春時出嫩葉其端卷曲如拳後成複葉紫色而肥野人今歲焚山則來歲蕨菜繁生其舊生葉之處蕨葉老硬紛披人誌之謂之蕨基有二種一曰甜蕨採食柔滑有味俗稱蕨臺長者尺餘末散如鷄爪形細葉鱗次俗謂蕨纂農人取以肥田根如竹節皮黑質白而有筋掘其根洗淨入木槽搗爛之則曰蕨凝以其凝置缸中和水反覆淘杵取汁以梭皮濾去滓則盛之經宿凝淀如膏則曰蕨粉成粉後搏為餅蒸食曰蕨巴以粉灑釜中微火起之曰蕨皮曰蕨線和肉為饌味頗佳亦可攪藕粉百合粉中然作偽矣近時粉房收之壓為細絲名蕨粉極銷行若擴充之亦天然之利也 乙未庚子兩遇歉歲流民四集土人爭採

黃平縣志

卷二十 物產

二十七

之以救饑曠野深山掘取一空全活甚衆一曰苦蕨形與甜蕨同色稍青但味微苦亦可食

筍 一作筍竹萌類有數種隨竹名之曰苦竹筍荆竹筍斑竹筍刺竹筍水竹筍冬竹筍或採於野或拔於園均可供蔬惟苦筍味苦荆竹筍味麻口必切片漂水中去其苦味麻味肥美又勝他筍冬竹不甚高頗堅實秋月出筍味亦香美斑竹筍在立夏前後徧山皆有味亦佳

竹蓀 生竹林中間有不多

竹花菜 荒年雜詠即蕨草其葉似竹生水旁及陰溼處人家磨豆漿以菜和煮者多用此

醃菜 黔記黔人好食臭腐物每歲三月洗青菜鋪巨桶中加

以小米或高粱麵層菜層米滿則小巨石壓之至五月始開氣極惡沸湯食之頗以為香美也其汁越老越好以治瀉泄痢疾甚效土人呼醅菜苗家尤多

釋果 果木實也今謂植物所結實皆曰果俗作菓分膚果穀果二種

膚果

桃 落葉亞喬木五木之精也邑中有紅桃黃桃碧桃香桃胭脂桃 即血桃味最甘美 毛桃接桃 用他樹接者 冬桃之類種法取佳種熟桃連肉埋糞地中尖頭向上覆熟肥土尺餘至春發生帶土移栽別地則旺但種桃淺則出深則不生故其根淺不耐久雖栽三年即結實然皮緊於四年後必以刀斫其皮至生枝處使膠盡出可多活數年老亦結實又桃實太繁則多墜於

黃平縣志

卷二十 物產

社日分根下土石壓其枝則不落又以刀橫斫其幹數下亦止又桃子蛀者以煮猪首汁冷澆之自無又或生小蟲以多年竹燈掛懸梢間則蟲自落近來邑中多仿用之樹接者味最甘脆大都以形色名用柿樹接者曰金桃味甘色黃用李樹接者曰李桃用梅樹接者曰脆桃又冬桃至冬乃熟重安有之色黃有柔毛味亦香美惟毛桃味惡七月乃熟又一種野桃粘核五月早熟純紅帶紫而多汁餘如各種家桃均六月熟

李 落葉亞喬木性較桃則耐久可活三十餘年邑中有麥熟鷄心箕盤蚌蛤蜂糖六月七月脫核蟠果黃蠟珠砂李苦李郁李之類俗傳種桃宜密種李宜稀分根接種與桃同培壅

宜猪穢不可用糞用桃樹接者生子甘紅於元旦五更將火把四面照看謂之嫁李當年便生若於正月朔望日以磚石着李樹歧中可令實繁實不沈水者不可食

杏 落葉亞喬木花葉均與梅相似又名甜梅種法如桃子若不移過則實小味苦又宜栽稀則易長而多實其根最淺以大石壓根則花盛子牢用桃樹接者實紅而且大又耐久不枯中杏仁毒即以杏枝切碎煮湯服即解邑中有甘酸二種其實大而味甘者名沙杏

梅 落葉喬木早春開花有紅白二種白者初開時微帶綠色亦謂之綠萼梅葉後花而生卵形而尖邊有鋸齒果實味酸立夏後熟生者青色謂之青梅熟者黃色謂之黃梅多野生

黃平縣志

卷二十 物產

二十九

其種之園林中者花千葉間亦結實製用之法取大者以鹽漬之日晒夜漬十晝十夜便成白梅調羹和羹所在任用或以籃盛梅尖上薰黑即成烏梅以稻灰淋汁潤溼蒸過則肥澤不蠹亦可糖藏蜜餞作果惜邑中間有不多

櫻桃 落葉灌木即含桃謂烏喜含也實大者味甘有朱紫蠟三色產於山者實細微酸一枝數十顆大如指頂形味甘多汁實熟時必須守護否則為烏雀白頭翁所食又必張幔以護風雨一經雨打則蟲自内生人不之見須用水浸良久候蟲出方可食種法二月間取枝節間有根鬚下垂者栽於肥土中常以糞水澆之即活若陽地種者還種陽地陰地種者還種陰地

梨 一名果宗一名玉乳本為落葉喬木因采梨者屈曲其枝或刈夷之幾成灌木形木堅可刻字二月開花六出色白如雪實為漿果大而圓至秋成熟上巳日無風則結實必佳其樹必接換實乃甘碩色中有香水青皮黃皮金蓋半斤鵝梨雪甜酸澀之別俱鬆脆味美另有一種城防梨產於北區之城防驛金頂而味最甘美近於滇之昭通梨惜產無多人遂以城防名之植法用最熟之梨全埋經年至來春生芽次年分栽之多著肥水及冬葉落附地刈削之以炭火燒頭二年即開花接法在春秋二分時用桑木或棠梨或杜均可藏梨之法與蘿蔔相間收或削梨蒂插於蘿蔔內皆可經年不爛或就樹上以囊包裹過冬摘下亦佳有一種野生者名山梨

黃平縣志

卷二十 物產

三十

子味極酸置器中或漚糠壳內開春食之味麪而甜

棗 一名木蜜落葉喬木北方最佳色中產者不甚高大樹堅直而多刺少橫枝有鷄蛋棗米棗等名皆美中食一種野生者名酸棗齊民要術曰旱澇之地不任稼穡者堪種棗棗能健脾開胃可久留生熟皆可食故又名為百益紅種須移栽每於蠶入簇時以杖擊其枝振去狂花則結實繁而大白露日根下遍堆草焚之以辟露氣使不至於乾落至元旦日以斧背斑駁槌之名曰嫁棗則花盛而實繁

柿 本作柿俗作柿佳果也落葉喬木四月開花八九月熟未熟時味澀熟則味甘色紅於微黃時摘下置器中或以蓼根汁浸三五日自然紅熟澀味盡去其甘如蜜生時去皮捻扁

其心或貯以核桃仁日晒夜露至乾納甕中待生白霜取出謂之柿餅其霜謂之柿霜最甜美食之且止咳病一種小而多子者野生俗呼柿錘亦可食即烏棹也搗其汁為膏名曰柿漆以之塗傘扇及行李包紙可以禦溼防腐樹宜接換接過之枝則核全無矣

按柿樹科之為用或為喬木或為灌木其特徵葉互生無托葉花大抵單性萼宿存三裂至七裂花冠裂片與萼同子房上位各室含胚珠一二果實為漿果如柿烏木等是拐棗 即枳椇一名木楨椹俗稱鷄爪又叫鷄距野生落葉喬木葉卵形互生夏開小白花枝頂結實實有肉質之柄色黃肥大畧如鷄爪形長寸許紐曲開作兩三歧儼如鷄之足距

黃平縣志

卷二十 物產

三十一

嫩時青色經霜乃黃每開歧盡處結一二小子狀如蔓荊子內有扁核赤色如酸棗仁形味甘如蜜故又名樹蜜又名木錫詩南山有枸枸即椹也蠶食錄拐棗子鴨食之須臾即死此不可解者

蘋果 一名頻婆即奈也落葉亞喬木葉橢圓鋸齒甚細春日開淡紅花實圓畧扁生青熟則半紅半白或全紅夏秋之交成熟味甘鬆與林檎同類北地最多家家收切晒乾為脯數十百斛以為蓄積謂之頻婆糧邑中間有種者但較北方實差小耳

林檎 一名來禽言其能來眾鳥於林也一名冷金丹即奈類但花六出果似花紅而大實圓長而味稍苦本為落葉亞喬

木黔中種者多成落葉灌木高不過一丈無橫枝而多柔條結時實一柄或四五枚必摘去數枚祇留一二則實大而脆鬆諺云林檎好吃樹難栽即謂此耳實將熟即食味甘美若過熟則麪而少味此木非接不結多以奈樹縛結之其法與接梨同臘月可將嫩條移栽若樹生蟲可埋蠶蟲於樹下或以魚腥水澆之可除好事者於未熟時剪紙為花貼於枝頭向陽好實上紅熟時猶若花木瓜樣入盤餽可愛

花紅 落葉亞喬木花葉俱似西府海棠實間紅白故名北人呼為沙果亦奈類也洛陽草木記林檎之別有六花紅亦林檎之一種耳春暮開粉紅花夏末果熟形圓味甘美有一種色青而皮厚熟稍遲其味酸澀此樹惜不耐久稍大則根多蟲蛀

黃平縣志

卷二十 物產

治法必以刀斫其孔淺則以鐵籤尋殺之如入孔已深則用火藥傍孔處燒薰之其蟲可除餘如栽與接之法與林檎同木瓜 落葉灌木一名楸一名鐵腳梨花如西府海棠葉較大樹如奈春深先花後葉花分紅白色頗美艷實橢圓大如瓜小如拳生青熟黃氣香味酸而微釀酒利氣去滯導滯按本草有木瓜木李木桃之別大抵長者為木瓜圓者為木桃小者為木李惟木瓜香而可食亦可蜜漬其樹可以子種亦可接壓移栽宜秋社前後畏日喜肥更宜犬糞廣志木瓜枝一尺百二十節又本草木瓜最療轉筋症呼其名及書土作木瓜字皆愈

楊梅 一名杔常綠亞喬木樹多合抱經冬不凋隔年開花結

實如穀樹子而有核與仁生青熟紅肉在核上無皮殼五月
熟有白紅紫三色紅勝白紫勝紅俗稱火炭楊梅類大者核
細鹽藏蜜漬糖製酒浸均佳一種實小者而色淡味亦劣邑
中多野生近有家種者性宜羊糞以桑樹接則不酸如樹生
癩以甘草削籤釘之即愈

枇杷 一名盧橘樹常綠亞喬木高二丈餘枝葉婆娑經冬不
凋秋發細蕊成球冬開白花來春結子夏初實熟形圓色黃
簇結有細毛味甜而酢皮肉淡黃色者為上俗稱為白沙枇
杷性不喜糞但以淋過淡灰壅之自能榮茂春月用本色肥
枝接過則實大而核小果木中獨備四時之氣者惟枇杷以
其秋萌冬花春實夏熟也其核能去黴垢

黃平縣志

卷二十 物產

三十三

山楂 一名棠棣子落葉灌木生山中高五六尺枝多刺葉形
似尖劈有鋸齒春暮開小白花實有赤紅二色大者如小花
紅秋熟可食小兒以之為戲果并入藥閩滇以之作檀糕
羊孺子 落葉灌木救荒本草白棠子樹一名沙棠梨兒一名
羊孺子樹又名剪子果枝幹似棠梨樹枝而細其色微白葉
似棠葉而窄小色亦頗白又似女兒茶葉卻大而背白結子
如羊乳味酸甜

羊桃 即葢楚也蔓生山谷不能為樹子赤狀如鼠糞故亦名
鼠矢兒童食之按羊桃子細如小桃皮黃黑色肉青色內有
細子熟透時可食其味酸甜相並其葉可以肥豬其藤及根
性並黏膩邑人造紙者採而搗之以和構竹白紙始成呼為

滑藥又可作和泥與石灰之用

紅子 一名救軍糧小灌木類山谷道旁多有之高二三尺叢生拳密根最堅深枝間刺如錐二三月開細白花結子圓扁有如大豆者有如細豆者大者味極甘細者稍苦澀殊紅色繫之如珊瑚亦有黃色者八九月熟若至冬經霜雪其味尤佳嘗有句云黃茅傲雪稜偏利紅子經霜味更甜貧家摘之磨以蒸餅昔有軍糧不足以此充食故名救軍糧 按此種彌罔被野紅碧可挹花幹與天竺花相似古之青精飯間用天竺子汁以漬米食之或即此種未可定

葶薺 古名鳧茈又稱烏芋浙呼地栗粵謂馬蹄多年生草水田栽植之莖高二三尺管狀色綠花穗聚於莖端頗似筆頭

黃平縣志

卷二十 物產

三十四

冬月成實地下之塊莖形圓如花紅粟子大小不齊皮薄色淡紫肉白而細甘脆可食力能毀銅新州及舊州產者甚好重安種者不多有野葶薺實小味淡居人以之作粉然遜於安順者遠甚

藕 荷根月生一節遇閏多一節有孔有絲大者如臂可生噉花下者尤美可作粉色中有池塘之處甚少所產不多且味帶泥腥

葡萄 俗名字桃一作蒲萄蔓生之木本植物有卷鬚葉掌狀分裂頗平滑夏初葉腋抽花穗簇生小花色黃綠為長圓錐花序至秋實熟有白紫二色白名水晶紫名馬乳亦有純綠者形有圓有長一莖或二三十枚味甚甜一種野生實小肉

薄而有紫黑二色熟時味甜種法宜扦插正月下取肥枝長四五尺捲為小圈令緊先治地極肥鬆種之止留二節在外俟春氣發動象萌盡吐而土中之節不能條遠則英華盡萃於出土之二節不二年而成棚矣若以此藤穿棗木而生者味更甘美入麝香於其皮內則葡萄熟時盡帶香味可口

按葡萄科之植物或為草本或為灌木其特徵葉對生或互生花整齊花冠四瓣或五瓣雄蕊與花瓣對生子房上位二室至六室果實為漿果如葡萄烏莓等是

刺藜 野生落葉小灌木幹如蒺藜花如茶藨實如小石榴幹與果多芒刺味甘酸食之消悶解渴煎汁為膏色同楂梨亦可和米釀酒四封皆有移之他境則不生考之本草綱目金

黃平縣志

卷二十 物產

三十五

櫻子一名刺梨子一名山石榴一名山頭鷄子蘇頌云叢生郊野中大類薔薇有刺四月開小白花夏秋結實亦有刺黃赤色形似小石榴按此則金櫻正是今刺藜金櫻當作金嬰與石榴鷄頭皆以形象立名白居易有山石榴詩是詠蜀產他如滇湘亦間有之但不多滇黔紀遊及貴州通志並云黔屬始有他境不生舊說殆不盡然也又古云有金櫻酒今邑鄉多採刺藜蒸之曝乾囊盛浸之酒益名刺藜酒味甚佳是古製也今藥肆金櫻非本草所名反以刺藜為別一物謬矣桑椹 椹與甚同桑之實也形畧似小棗熟則紫紅味甘可食邑人多以之泡酒味濃如蜜 按此類植物學謂之桑果乃複果之多肉者由多數小核果聚而成全體漿質如桑椹無

花果等是

無花果 落葉亞喬木一名優曇鉢一名映日果一名蜜果樹似胡桃三月發葉似楮子生葉間五月內不花而實狀如木饅頭生青熟紫味如柿而無核種法在春分前取三尺長條插土中澆以糞水若生葉後惟澆清水結果後更不可缺水此樹隨地可種多植有益實可作糖蜜饀果並可備歉葉可醫痔

殼果

白果 落葉喬木即銀杏一名公孫樹言公種而孫始得食也高可十數丈葉如鴨脚而綠背淡白故又名鴨脚子二月開花成簇青白色單性夜半開旋落人罕見之結子如枇杷初

黃平縣志

卷二十 物產

三十六

青熟黃八九月打下堆空處待漚皮爛取核為果或煮或炒均可食但食滿千顆殺人昔有歲饑以白果待飯食滿千者皆死小兒尤不可多食此木大可數抱肌理甚細而有紋可為器具棟樑之用其核兩頭尖中圓大而扁三稜為雄二稜為雌須雌雄同種方肯結實春初種肥地週年後方可移栽核桃 落葉喬木一名胡桃又名羌桃相傳張騫自胡羌得其種故名高二三丈葉為奇數羽狀複葉夏初開花雌雄花皆成長穗下垂淡黃綠色秋間結實如青桃熟後漚爛皮肉取核而食其仁為果實之最有益者種樹必移栽數次俟樹高大以斧斫皮出漿結實殼薄多肉而易碎否則殼厚肉難取又一種野生者形微尖殼甚厚須椎之方破味香而渣取以

榨油亦香美

按胡桃科之植物皆喬木其特徵為花單性雌雄同株花被四片與子房畧連合雄蕊多至三四十實為核果亦有生兩翅或作毬果狀者如胡桃化香樹等是

栗 落葉喬木大可合抱樹似櫟而花色青黃枝間綴花長二三寸許有似胡桃收以點火風雨不滅結實如球外有芒刺內有栗房一苞或單或雙或三四熟則罅裂子出生食則甘熟時則麩色中有數種一曰板栗樹高大者數丈莖大如巨杯一莖數子一曰錐栗小莖獨實末銳體圓亦高數丈兩種皆木理堅直修鑿製器貴之皆八月熟一曰毛栗樹僅三五尺遍山皆有結實較細味與板栗錐栗等九十月熟一曰櫟

黃平縣志

卷二十 物產

三十七

栗樹連抱葉凋結莖攢攢亦有刺風動子落響如撒沙子大如大豆黑殼白粒斧斫之直裂到顛一曰猴栗樹亦連抱葉光澤寬厚長五六寸結莖含實體圓末銳與錐栗同亦皆九十月熟其木堅勁亦皆有用之材春分時取櫟樹或本樹生於肥土者接之凡栗生數年不可靠近新栽樹皆然其實如欲乾收或曝或懸迎風處若欲生收藏之瀾沙中至春三四月尚如新

榛 落葉喬木高二三丈葉甚濶畧圓端尖有細齒冬開花春結實一苞一實味似胡桃通稱榛子形較櫟子圓小殼外堅而內肉香甜美可食

石榴 落葉亞喬木一名丹若一名金罌一種味最甜者名天

漿其種自安石國張騫帶歸故名安石榴或以子種或折其條盤土中最易生有甜酸二種惟千葉者不結實房由青而紅熟時自裂子多白者似水晶淡紅者似水紅寶石紅者如硃砂一種子小而不甚紅名土石榴性喜暖雖烈日亦可澆以水糞以大石壓其根則實繁而不落

橘 常綠灌木一名木奴多生暖地性畏霜雪樹枝多刺生莖間葉作長卵形端尖葉柄有翼狀小片四月開小白花其香甚濁六七月成實交冬黃熟大者如杯包中有數瓣瓣外有筋膜內有核實小於柑味甘微酸重安及舊州產者甚多新州地高氣稍寒不能栽植有大橘金橘油橘諸種一種小橘名公孫橘花實相間經年不歇可供盆玩一種壽星橘樹小

黃平縣志

卷三十 物產

三六

而實長瓢酸皮可食以子種者結實遲用罐貼接移栽者二三年即結實如幹生苔蘚須速刮去見蛀屑飄出先以鈎索蟲穴再用杉木釘窒其孔根下埋死鼠則結實加倍若藏橘於綠豆內至春盡不壞

柑 常綠亞喬木樹似橘少刺實亦似橘而圓大未經霜猶酸霜後始熟色黃赤縐皮者名獅頭柑味甘美皺皮畧小味微酸

柚 柑屬也常綠喬木樹似橘而有刺葉稍大而長有缺刻如兩段三月開花氣甚香實徑四五寸形圓頂高色正黃皮極厚不易剝脫有大小二種小者如柑味酸不可食大者如盃或青瓢或紅瓢味甘美其尤佳者福建之文旦柚廣西之沙

田柚湖南之安江柚最著名重安只有沙田安江兩種惜不多餘則老州重安俱有種其核俟長成以接柑橘則味不變橙 橘柚屬也一名蜜橙一名金球樹常綠喬木葉皆類柚實亦似柚而香晚熟耐久大者如盃經霜乃熟皮厚蹙而香氣馥郁但瓢味稍酸耳墮土宜實種後若不搖動雖縱橫顛倒插之盡活乃最易生之物也或曰橙即柚形圓長不一瓢有赤白二色味別甘酸

香櫟 俗作圓一名枸櫟常綠喬木本似橘而葉畧尖長枝間有刺花之色與香亦類橘其實正黃色有大小二種皮光細而小者為香櫟皮粗而大者為木欒香味不佳惟香櫟清芬襲人可作案頭清供瓢可作羹皮可作糖片以之浸酒甚清

黃平縣志

卷二十 物產

三九

芬其樹必待小鳥作巢後方能開花結實物類之感召也下子亦易出

黃果 柑屬形如香櫟皮光澤有瓢無瓣切食之味香而甜膩兼能耐久舊州產者最佳重安次之

佛手柑 一名飛瓊常綠灌木與香櫟同種亦稱佛指香櫟葉尖長枝間有刺植之近水乃生結實形如人手指長者有五寸其皮生綠熟黃色若橙而光澤內肉白而無子以之切片浸酒清香襲人作蜜餞果食銷行更甚一種實圓如香櫟者名蜜羅柑

蓮子 蓮六月開花花褪蓮房成萼萼在房如蜂子在窠六七月采嫩者生食脆美至秋房枯子黑其堅如石謂之石蓮子

食宜去心多食養脾補心

甘蔗 多年生草高丈許葉狹而尖長二三尺花單性雄花生於莖梢雌花生於葉腋有巨苞包之為製糖之原料莖如竹有節中實斷節去皮而食其汁味甘美

落花生 穀類植物一名香芽俗稱長生果莖高尺餘多蔓延地上葉為羽狀複葉夏秋之間葉極開花色黃如蝶形花落於地以土覆之根即生實連絲牽引土中纍纍不斷冬盡掘取以供食品並可榨油

福清縣志云本出外國康熙初年僧應元住扶桑覓種寄回

梧桐子 落葉喬木一名青桐四月開花五六月結子莢長三寸許五片合成熟則開裂如葉狀種子生於遠緣多者五六枚者二三大如黃豆皮皺淡黃色仁肥嫩可生啜亦可炒食

黃平縣志

卷二十 物產

四十

產於滇者最佳

葵花 即葵子一年生草莖高六七尺葉似芙蓉夏秋之交莖頭開一花為頭狀花序大者徑七八寸花瓣鮮黃其花常向太陽旋轉朝東暮西故名向日葵秋後花落子結盤中纍纍在房老則殼黑亦有白色紫色者殼內仁白食之味香并可榨油

菱角 菱本作菱果類植物種陂塘中菱葉小於蓮莖端出葉畧成三角形浮於水面柄上具浮囊夏月開小白花四瓣色白秋後結實有四角三角兩角故謂之菱角色或青或紅生熟均可食鄉間陂塘間有之

野荔枝 荔枝產於閩廣高三四丈果實外皮有龜甲紋肉色

白味甘多汁原屬常綠喬木邑中野生之一種核大而肉薄
味芬直等灌木耳

釋花 花為植物體之一部生於莖枝之上所以結果者也而不實者本作華分木本草本藤本三種

木本

牡丹 落葉灌木為花中之王吾國特產也有五色千葉重疊
之異邑中所產者有粉紅紫色二種莖高四五尺葉有二歧
三歧淺綠色花有重瓣單瓣之別其重疊者高三四寸闊四
五寸清香襲人但花枝嬌嫩開時須以杖扶之庶不為風雨
所折宜寒畏熱喜燥惡溼得新土則根旺栽向陽則性舒而
花大最懼烈風酷日移植在八月社前或秋分後皆可根下
宿土少留切勿掘斷細根每種須先將白麩末一斤拌勻新

黃平縣志

卷二十 物產

四十一

土內因其根甜多引土蠶再以小麥數十粒撒下再生花於

上以土覆滿將牡丹提與地平使其根直則易活不可踏實
隨以天落水或河水灌之夏月灌既必清晨或初更地凍時
壅以猪糞春分後便不可澆肥直至花放後畧用輕肥六月
尤忌澆澆則損根來年無花矣 按古無牡丹統稱芍藥自
唐以來始分為二以其花似芍藥而幹為木又謂之木芍藥
且有牡丹花王芍藥花相之說

海棠 落葉亞喬木花色之美者其株幹脩然出塵俯視眾芳
有超羣絕類之概分數種一種貼梗海棠叢生難長綴枝著
花五出磬口深紅如胭脂正月即開一種垂絲海棠樹一二
丈枝條柔長花色淺紅多葉下垂一種西府海棠枝梗畧堅

花色梢紅與垂絲皆二三月間開最為艷美貼梗垂絲皆重瓣不結實惟西府海棠單瓣結實實名海紅大如山楂味酸可食此花無香而畏臭只宜槽水肥水澆不宜糞水澆

瑞香 常綠小灌木一名蓬萊花莖高四五尺枝葉繁茂經冬

不凋春日開花內白外紅紫香清氣遠有一種莖稍高開黃

色管狀花至秋落葉者花落後始生葉謂黃瑞香亦名結香其纖維

可製紙此花名麝囊能損他花宜另植又性畏寒冬月須收

暖室夏月置之陰處勿見日

按瑞香料之植物或為喬木或為灌木其特徵有強韌之

內皮葉全邊無托葉花蓋裂為四片雄蕊大抵為大子房

一室有一胚珠懸垂如瑞香結香等是按韌柔而因也韌皮乃植物學名詞

黃平縣志

卷二十 物產

在樹幹表皮內為纖維所成質稍柔樹幹外部之堅強即由於此

梅 一名柎落葉喬木先象木花似杏差小而香獨優色有紅

白二種白者初開時微帶綠色亦謂之綠萼梅紅者又分粉

紅梅硃砂梅二種如以棟樹接紅梅則花開帶淡墨色謂之

黑梅花皆清香馥郁植之盆玩尤佳 顧滋柳道院梅詩清

癯古逸已成仙猶向塵中著色妍莫幻霓裳空際影斷霞零

落九重天 又夢梅詩月滿羅浮清夜思美人恍惚影相隨

春風欲畫虛無境酒醒天寒又一時 性潔喜晒澆以塘水

則茂一切花木皆貴少壯獨梅與松貴蒼老古勁

蠟梅 蠟一作臘一名黃梅落葉灌木本非梅因其與梅同放

其香又相近色似蜜蠟且臘月開故有是名樹不甚大而枝

叢葉如桃澗而厚有磬口荷花狗英三種要以磬口為最人皆愛其香但可遠聞不可近嗅以其香不及梅之清芬耳其本宜過枝不宜接換

石榴 四五月開惟單葉者結實其千葉重儂銀邊灑紅數種皆不結實而花色極艷性喜肥糞水當午澆之花更茂盛茶葉如木樨稍厚而硬經冬不凋以葉類茶又可作飲故得茶名種類甚多黃色近有九心茶瑪瑙茶紅寶珠白寶珠數種其開最久自十月開至二月方歇性喜陰燥不宜大肥春間臘月皆可移栽以千葉接單葉則花盛而樹久以冬青接十不活一二秋時用烏豆水灌之其花益妍

紫荆 落葉灌木一名滿條紅花叢生深紫色一簇數朵細碎

黃平縣志

卷二十 物產

四十三

而無瓣或生本身或附根枝二月盡即開柔絲相繫花罷葉出即結莢子甚扁冬取其莢種肥地春即生又春初取根旁小枝栽之即活采其蕊熱水中焯過鹽漬少時點茶頗佳若與棣棠並植金紫相映最可人昔臨潼田真兄弟分居復合荆枯再榮草木猶能感召故世俗以之比昆仲

郁李 一名棠梨俗呼壽李即棠棣也落葉灌木高五六尺枝葉似李而小實若櫻桃而赤酸甜可食其花反而後合有赤白粉紅三色單葉者子多千葉者花如紙剪簇成色取嬌艷而上承下覆繁縷可觀似有親愛之義故以喻兄弟昔賦甘棠詠召公即此其材可為器具仁入藥性潔喜暖春間宜栽高燥處澆以清水不用大肥

鴛鴦桃 桃花二月開爛熳芳菲其色甚媚邑中有數種惟碧
桃絳桃千瓣深紅色尤可愛又有鴛鴦桃千瓣深紅開最後
結實必雙

夾竹桃 本名枸那自嶺南來夏間開淡紅花五瓣長筒微尖
一朵約數十萼至秋深猶有之因其花似桃葉似竹故名非
真桃也性惡溼畏寒喜煖分法在李春以大竹管套於枝節
間用肥土填貯朝夕不失水久之根生截不另植今人於五
六月間以之花配茉莉婦女簪髻嬌媚可挹

木槿 一名椴一名舜英落葉小灌木樹高五六尺至丈餘枝
多歧色微白葉為卵形三裂互生夏秋之交開花五瓣短柄
如蜀葵色白紅紫皆備朝開暮落人家多種之以為藩籬其

黃平縣志

卷二十 物產

四十四

花采以煮油粥最滑膩閩人以此拌麵煎食又呼為麵花其
嫩葉可代茶飲可種可插若欲杆籬須一連插去如斷續任
手難活必斷而不接也

芙蓉 一名木蓮亦名木芙蓉落葉灌木幹高七八尺葉如桐
而有五尖及七尖柄長互生秋半開花大而美艷有紅白黃
等色黃芙蓉不可多得餘如千瓣紅千瓣白半紅半白及一
種醉芙蓉早開純白向午桃紅晚變深紅所在有之此花最
能耐寒獨殿羣芳乃秋實之最佳者昔蜀後主城上盡種芙
蓉故名錦城陂塘有芙蓉則懶不敢來其皮漚麻作綫織為
網衣夏月衣之最涼且無汗氣種法不必分根春初取肥條
插之即活

辛夷 一名木筆 一名望春 落葉喬木 其花初出時尖銳如筆
故謂之木筆 樹較玉蘭長小 高數丈 葉似柿葉而狹 長春初
開花有紫白二色 大如蓮花 香味馥郁 白者俗稱為玉蘭 今
植物學家謂辛夷玉蘭皆為白色 惟玉蘭九瓣而長 辛夷六
瓣而短 濶以此為別 舊亦名為迎春花

桂 一名棧 一名木樨 一名巖桂 常綠亞喬木 葉對生 豐厚而
硬 凌寒不凋 枝條繁密 木無直體 花甚香甜 小而四出 或有
重疊 亦不易得其種 不一 白名銀桂 黃名金桂 紅名丹桂 均
八月開花 香聞數十步 惟丹桂香稍遜耳 又有月桂 十二月
皆開花 色俱同一 云以木樨接於石榴樹 其花即成丹桂花
以鹽酒浸之 經年 色香猶在 以糖樁作餅 點茶香美

黃平縣志

卷二十 物產

四十五

玉蘭 落葉亞喬木 樹高數丈 而不易成長 其花九瓣 色白微
碧 香味似蘭 故名 葉與花瓣皆為倒卵形 一幹一花 皆着木
末 絕無柔條 隆冬結蕾 三月盛開 澆以糞水 則花大而香濃
花落從蒂中抽葉 特異他花 又一種花瓣內白外紫者 俗稱
紫玉蘭 植物學家謂即木蘭

紫薇 一名百花紅 其花紅紫之外 有白者曰銀薇 又有紫帶
藍色者曰翠薇 落葉亞喬木 高丈餘 樹極滑澤 若無皮人若
搔之 則枝幹無風而自動 故俗呼為怕癢樹 葉對生 一枝數
穎 一穎數花 枝頭成簇 不能分辨 六月始花 其蕊開謝相接
續 可至九月 約有百日之紅 其性喜陰 自茂根旁 小本分種
附鄭珍中秋後夕獨酌紫薇下詩 銀河轉碧星 漸稀庭中

露上清氣肥明月遲遲漸下樹涼風嫋嫋還吹衣提壺對
此獨自勸伴座無語三紅薇學舍如舟地如水菱葎蕩漾
相因依忽驚深夜落何處美人散盡吾何歸仰看天宇淨
塵翳俯念人間多是非心魂月魄兩明妙盲盲人天俱入
機六根長願止如此醉月一盃無我違

梔子 一名越桃一名林蘭釋號薝蔔常綠灌木有二種單葉
· 小花者結子千葉大花者不結子色白而香烈作苞時瓣紐
結純綠可玩放後清香襲人小者名海梔子此種冬初取子
晒乾采春畦種覆以灰土次年三月移栽至四年即開花結
實矣千葉者宜壓枝分栽

繡毬 落葉灌木樹皮體皺葉深綠而潤三四月開花一蒂五

黃平縣志

卷二十 物產

四十六

瓣百花成孕團團如毬滿樹有粉紅白藍三色又一種紫色
者名紫繡毬花鏡以花大者為粉團小者為繡毬

杜鵑 落葉小灌木一名紅躑躅一名山躑躅俗稱映山紅生
山谷中樹不高大重瓣紅花極其爛熳枝葉皆有毛先花後
葉出自蜀中者佳謂之川鵑花內十數層色更甚每於杜鵑
啼時盛開故有是名三月開花如羊躑躅而蒂如玉簪較稍
小近有紫白二種千葉者可供盆玩此花若生滿山頭其年
必豐稔若欲移植家園須以本土壅始活

按植物學栽杜鵑為常綠灌木葉橢圓夏日開紅紫花間
有白色者花冠為漏斗狀邊緣五裂甚深山躑躅俗稱紅
躑躅一名映山紅乃杜鵑之一種幹較低為小灌木葉倒

長卵形夏初開紅花較杜鵑畧早羊躑躅俗稱黃杜鵑為
落葉灌木葉為倒卵形春日先新葉開花為漏斗狀花冠
色黃其花較杜鵑為大列為短總狀花序花鏡以杜鵑為
紅躑躅以山躑躅為映山紅

又考躑躅行不進也又花名古今注羊躑躅花色黃羊食之
則死見之則躑躅分散故名按古時凡杜鵑山躑躅羊躑
躅等皆省稱躑躅

茉莉 常綠小灌木一名抹利東坡名曰暗麝釋名鬘華北土
名柰原出波斯國與素馨同類後入中國始專稱尖瓣細瘦
者素馨即金雀花圓瓣者謂之茉莉弱莖繁枝葉如茶而微大色
綠夏秋之間開小白花每至暮開香滿一室出自煖地性畏

黃平縣志

卷二十 物產

四十七

寒喜肥墜以鷄糞灌以燂猪湯或鷄鵝毛湯或皮屑並米泔
水黃豆汁則開花不絕雖烈日不懼六月六日以魚腥水愈
澆愈茂霜降後須藏煖處黃平茉莉皆來自洪江沅州重安
舊州地煖栽插易活新州地高氣候稍寒植之較難一種藤
本叢生近時亦有之

金絲 落葉小灌木枝似枸杞葉間有小刺花肖蠶豆一葉一
花金花成瓣木本中着黃色者杜鵑鳴時即開與陽雀花同
時與萱花同色味甘美可食

夢花 落葉小灌木樹高四五尺葉如枇杷葉而長深綠色花
如瑞香而色白枝條甚柔邑人有迷信者夜夢不祥即將莖
枝打一乾鞞謂即能解故一本而有無數乾鞞呼之以夢大

約指此

三春柳 即檉也一名觀音柳一名河西柳俗稱西湖柳落葉
亞喬木高丈餘幹不甚大赤莖弱枝葉細如絲縷綠若鸚鵡
毛婀娜可愛一年作三次花花穗二三寸其色粉紅形如蓼
花黔中婦女頭簪昔多如此花形亦名三春柳近已改良此
樹宜植之水邊池畔若天將雨檉先起又名雨師葉經冬盡
紅春時杆插易活

草本

蘭 常綠多年生草俗稱草蘭多生浙東故又名甌蘭即羣芳
譜所謂幽蘭是也葉細長而尖長尺許有平行脈由根叢生
春日開花淡黃綠色瓣上有細紫點無紫點者謂之素心蘭

黃平縣志

卷二十 物產

四十八

皆一莖一花幽香清遠種類甚多其一莖數花者為蕙亦春
開別一種至秋始開亦一莖數花以產於福建故名建蘭又
一種夏蘭俗名火燒蘭春時野火燒山至夏則蘭花盛開葉
不甚長色香均與建蘭同一種朱蘭又名箬蘭實非蘭以其
花形似蘭葉短濶似箬色白微紅又一種風蘭俗名吊蘭生
崖壑間懸根而生花瓣多紫不用土栽取大窠者盛以竹籃
懸於見天不見日處早晚噴以清水冷茶或下水中浸溼又
掛誠大可品也一云能催生臨產掛房中甚驗按蘭多種惟
建蘭最難植邑中多作盆玩放時清香滿室栽泥須用火燒
山黃土苗盛頻分則根舒澆洗須如法養蘭訣云春不出霜
雪冷風夏不日最忌炎秋不乾多澆肥水冬不溼宜藏暖室
之患或土炕內

不可不知

伊蒲 即伊蘭也楊慎伊蘭賦序江陽有花名賽蘭香不足於艷而有餘於香戴之髮紒經旬猶馨意古者紉佩之用頰浴之具必此物也西域有伊蘭以為佛供即此漢書所謂伊蒲之供也羣芳譜伊蘭出蜀中名賽蘭樹如茉莉花小如金粟香特馥烈戴之香聞十步經日不散

水仙 多年生草陸生宜水地下莖如蒜頭外有薄赤皮冬生葉如萱草色綠而厚冬間於葉中抽一莖莖頭開花數朵大如簪頭色白圓如酒杯上有五尖中心黃蕊甚大故有金盞玉盤之稱心黃邊白者種訣云五月不在土六月不在房栽向東籬下花開久且芳但種肥土葉長花短不甚可觀若於冬月

黃平縣志

卷二十 物產

四十九

用磁盆密排其根少着僵石實其罅時以微水潤之日曬夜藏使不見土則花頭高出於葉香氣清幽誠仙品也

荷 多年生草總名曰芙蓉一曰水芝其蕊曰菡萏結實曰蓮房子曰蓮子葉曰荷其根曰藕產於淺水葉大而圓柄細長夏月開花或紅或白可栽池內亦可用缸植為几前之玩乃花中之君子也 附張應詔學蓮說蓮茂叔周先生宋之隱君子也所著太極圖說千百世好學君子羣奉為理學之宗矣又有愛蓮一說其辭曰蓮花之君子者也余惟先生以君子之學成君子之道並美其聽愛之蓮以君子之名君子者蓮耶愛蓮者君子耶余固不敢同於愛蓮之君子也竊於君子所愛之蓮寄願學之思者蓋亦有年雖不知其所就有當

於蓮之可愛與否若他日因學蓮而幸登君子之堂則以所學於先生太極圖之問生一編以為質

鐵線蓮 一名鎖蓮狀如灌木而蔓生以葉柄纏物上升合九小葉成一複葉夏月開紫花或白花千瓣細狹開時由外向內以漸而舒未到花心輒謝其心有汁最甘可食花隨日向轉朝開暮合布落穿籬清雅可玩春間壓土移栽名之鐵線以其本細似鐵線也或云即威靈仙

芍藥 古名將離一名餘容又名婪尾春多年生草葉為複葉小葉往往為極深之三裂宿根在土十月生芽至春出土初夏開花大而美艷色有紅白紫數種根亦有紅白二色供藥用色中以白為上分栽在八九月獨不宜春分無論好醜必

黃平縣志

卷二十 物產

五十

三年一分恐舊根侵蝕其新芽苗遂不肥如欲携根窠致遠須取本土貯之

玉簪 一名白蕙二月生苗成叢葉大如小團葉七月初抽莖莖有細葉十餘每葉出花一朶花未開時其形如玉搔頭簪開時微綻四出中吐黃蕊七鬚環列一鬚獨長朝開暮捲甚香而清亦有紫色者俗謂紫玉簪別為一種春初去其老根移種肥地

山丹 一名渥丹一名重邁多年生草大者高二尺許一莖直上葉長而尖如柳根似百合體小而瓣少可食初夏開花有紅白二種鱗莖甚小六瓣下四垂至八月常爛熳可觀一種渥丹以其花色朱紅諸卉莫及故名性喜肥澆鷄糞更妙

鳳仙 一年生草一名小桃紅一名早珠珠一名菊婢莖粗高
尺餘葉如箭簇有鋸齒夏日開花於葉腋有重葉單葉大紅
粉紅深紫白碧之異又有白質紅點色如凝血俗名灑金寶
橢圓稍尖熟則自裂俗名急性子女多取其花以染指甲亦
稱指甲花隨地可植乃賤品也

戶口

周禮獻民數於王王拜受之聖人式負版者蓋民為邦本其重如此歷代編審之法皆欲知其息耗之實耗則思所以生聚之息則思所以富教之非屬民也是以丁差之名雖存悉均入田賦改徵銀米且今天下孳生戶口永不加賦聖朝覆載深恩聚族而居者誠不可不知樂利之自也夫

原叙

按統計戶口為內務行政之一即今之選舉議員納稅當兵均於戶口多少定之論其性質亦內務事也續志之時擬將戶口提出統於憲政志內茲以地方多故捐款無出加以人力疲弊所謂新續四大志者恐一時急難就緒只得將其舊目綴以所知如何增集異日再計

黃平縣志

卷二十 戶口

五十二

又按中國戶口自來多無實據即所謂四萬萬同胞者不過就清康熙年間之所調查而言其實不止四萬萬也何以言之中國無戶籍法無井町村區長戶籍吏等平日之稽核已失去調查時又惟恃地方官之一紙空文更有牢不可破者清自聖祖下永不加丁詔後雖二百年來奉為玉律金科無賴民間之歷受苛政總以戶口增益為可慮如我州屬舊志載有二萬五千一百九十六戶計男婦大小十二萬一千六百六十七丁口較已核實然至咸豐乙卯之變除兩城失守及各壘寨之死亡不計外而聶洪倫之甕谷隴一役死者已六七萬人其間之由別縣入聶隊者不過什之一二然州人之未入其營及逃出遠近並在他教與已叛苗民是聶之隊

下又不過什之二三耳雖曰亂時之在舊志修後六十年彼六十年中其生養也又能增至幾何至羅方伯黔南職方紀畧咸豐初年著內載州屬客民僅六百六十八戶內無業苗二百零七戶未填丁口十五戶如此虛誣讀之亦不禁發噤矣

又今之選舉事務所成立也本志甚希望其調查戶口冊到可以得其大概殊一縣八區而舊城區之報來總數戶口已在一萬五千有奇然則其餘七區以此例之一屬戶口又當有一十二萬有奇矣即以各區減半計之亦當有六萬以上如是增加又何以為後此信史

然則欲求議員多者勢必放大其詞而胆怯各區惟恐年捐之抽及他門牌戶捐供夫種種差累必又故意減殺是二者

黃平縣志

卷二十 戶口

五十三

均為戶口不實之病如更調查必需歲月及有視臨各村之員是又畫餅之不能療饑而望梅之未必止渴也不得已惟有於前調查村寨時得其團內之大數姑附於後是抑不得已之急就篇耶

原額戶口三千六百七十三戶新增戶口二百六十六戶

原額人丁二千五百六十三丁內除隨田帶派人丁一千四百三十五丁實編差人丁一千一百二十八丁內除節年清編抵補外尚逃亡人丁七百一十二丁康熙三十五年編審實在徵差人丁四百一十六丁

原額丁差銀六百二十九兩八錢七分七釐八毫六絲內除丁逃田荒無徵帶派丁差銀三百零三兩二錢四分二釐七毫

七絲三忽七微五塵

又三十五年至五十年增徵差人丁一十八丁康熙五十年編
審實額徵差人丁四百三十四丁實額徵丁差並熟田帶派
共丁差銀三百三十二兩四錢六分七毫八絲三忽六微九
塵

雍正十年全數改徵米四百四十三石二斗八升一合四抄四
撮九圭二粒

又康熙五十五年至雍正九年編審新增人丁二百六十六丁
永不加賦 通志

按上各條從三百三兩加至三百二十六兩又從三百二十
六兩加至三百三十二兩至定成丁米四百四十三石斗云

黃平縣志

卷二十一 戶口

五十四

云後方得永不加丁然則二百年之不肯呈報實數者非得
已也及今民間之担負數十倍於昔日人民不能不念清代
之仁又不能不慮後日之有加無已是抑情勢之使不得不
匿報也

嘉慶四年現在六里漢民通共二萬五千一百九十六戶男婦
大小十二萬一千六百六十七名
男大口三萬八千三百五十一名
婦大口三萬四千八百七十四口
男小口二萬五千二百八十四名
女小口二萬三千一百五十八口
六里流寓客民共八百九十戶男婦大小共三千四百三十五

名

男大口一千五百一十一名

婦大口一千零二十一

男小口五百二十四名

女小口三百八十口

按六里之名至今只知太平里在城里後路里等其餘三里想是四官莊及舊城重安之謂耶

約計現時戶口

以民國五六年之區團計然清末之數實亦如此

中區本城四門為四團每團約計二百家東附城八團每團約計二百五十家南附城四團每團約計二百五十家西附城六團每團約計一百五十家北附城八團每團約計一百二

黃平縣志

卷三十 戶口

五十五

十家合共五千六百六十家

東區一十六團每團約計三百家合共四千八百家

南區八團每團約計三百家合共二千四百家

西區四團每團約計三百家合共一千二百家

北一區即舊城十團每團約計五百家合共五千家

北二區八團每團約計二百家合共一千六百家

北三區十團每團約計二百家合共二千家

北四區一十二團每團約計二百五十家合共一千七百家

全屬約計二萬四千三百六十家每家六口計之共有一十四

萬六千一百六十丁口

以上戶口人丁掬計大畧俟修憲政學校經費各志時往調

查各區學校經費再為切實詳載入志

黃平縣志



卷二十 戶口